

**Sagɪ tə, Polə nə púpúní ʋ pa**  
**Efɛzə**  
**Kərisə lià tə nə**  
**Efɛzə tián sagɪ tə yuu wa**  
**svɔ**

*Lìù tə, ʋ nə púpúní sagɪ kv tə*

Kv yɪ \*tɔntɔnʋ Polə nə púpúní kv. Máná tə, ʋ nə púpúní sagɪ tə, də ʋ yɪ ʋ wulə bān diè wa Romə nə.

*Lìà tə nə, Polə nə púpúní*

Polə púpúní sagɪ kv tə ʋ pa \*Kərisə lià tə nə, ba nə wulə Efɛzə nə, də ba duən zənzən nə, ba nə wulə tián duən wa.

*Sagɪ tə wa svɔ*

Nəhə kv tə yɪrɪ Polə nə púpúní ba nə: ʋ pìà, sə ʋ ja ʋ kàrì tə mama ʋ kə duən yáá ʋ bɪrɪ ba. Polə pìà ʋ bɪrɪ ba də, Yɪ pìí ʋ bwin Zwezi tián wa. Kv m̀ə nə pɪn, won mama dān yɪ wodɔn lʋʋ wa. \*Kərisə lià tə mɛ, sə ba v̄wə ba tián míámíán \*Yuu-Tiu Zwezi-Kərisə nə. Kv nətʋ dān wá pa, ba ya dwíí nədʋ. Dwíí nədʋ təntə dān wá ya Kərisə lià púlí tə, kv nə yɪ ʋ yɪra tə. Pwɪa kùd̀ t̀l̀é Zwifə-ba də lià tə, ba nə tà Zwifə-ba pwərə wa, Zwezi tián tə yɪrɪ, ʋ nə tɪga lià tə mama yuu yɪrɪ.

Bələ nii yoo tə yuu wa, Polə nə sẁn ʋ sagɪ tə wa, ʋ kàrì nətʋ tə, Kərisə liù nə súde də Yɪ-\*Siŋu

tə, v nə mɛ, sə v ya, sə v tun luv wa də v kàrà wa, də là tə yáá con, ba nə yèrì Kərisə.

*Polə jùnì Kərisə là tə Efezə nə  
(Tɔtɔnan 18.19-21; 19.1-7; 20.17)*

<sup>1</sup> À m̀ Polə yì Yì nə kúrí nə də v tətə fira, sə à ya Zwezi-\*Kərisə \*tɔntɔnɔ. À m̀ nə púpúní sagi kv tə, à pɪn á m̀ là tə nə, á nə wulə Efezə nə, á nə yì Kərisə nə tɪ, á nə keni á waa v nə. <sup>2</sup> Nə nyina Yì də nə \*Yuu-Tiu Zwezi-Kərisə nə wá fwa pubwanɔ á yira, ba ga pa aba bɪcan sié də.

*Nətv Yì nə fwa zəni v là tə yira  
(Romə tián 8.15-17, 28-30; 2 Tesalonikə tián 2.13-14; 2 Timote 1.9-10)*

<sup>3</sup> Nə pɪan dun Yì nə, v nə yì nə \*Yuu-Tiu Zwezi-\*Kərisə nyina. Yì twá də v m̀ Zwezi-Kərisə, v fwa zəni nə yira də wozəŋə yiri mama, tə nə yì v \*Sɪŋu tə nyiən, tə ga naŋa v m̀ Yì \*sàh nə. <sup>4</sup> Yì dí yáá v twá də Zwezi-Kərisə, v ma kúrí nəba, də v tə wà luv fwa, sə nə ya v m̀ nyiən. U kúrí nəba, sə yokukwɪvɔn də mama dən ká ya nə yira v m̀ Yì yáá con. Yì nə swə nəba tə yiri, <sup>5</sup> v twá də Zwezi-Kərisə v lɪ nəba v tún fuən fuən, sə nə ya v bɪa. U fwa kv, də v tətə fira tə, də v wɔywanɪ tə. <sup>6</sup> U fwa kv nətv, sə kv pa nə bu Yì nə v pubwanɔ tə yiri, kv nə bɪrɪ v dun tə. U twá v biswənə tə nə, v fwa kv pubwanɔ tɛntə nə yira. <sup>7</sup> Yì twá də Zwezi-Kərisə v yè nəba v jon də Zwezi-Kərisə jana tə, sə nə tunɪ nə tián. Yá v twá Zwezi-Kərisə nə, v kwɛn nə cuna tə, v lɪ nə m̀ də v m̀ Yì pwərə wa. Yì fwa kv

nøtv, v ma biri nøba, v pubwanv nø dáá zønzøn nøtv. <sup>8</sup> Kuv yí cígá, Yuv fwa v pubwanv tøn nø yira zønzøn v ja læ tia nø. U puv nøba wubvja yiri mama døn yønu yiri mama. <sup>9</sup> U puv nø yøni v fira cígá tøn, ka nø sègè tøn. Kuv cígá tøntøn, ka nø sègè nø yí v tøtøn fira wvuywanv tøn, v nø ken v sírí, søn v twá Zwezi-Kørisøn nø v fwa. <sup>10</sup> Yuv li mánjá v tún, v ga dànì døn, kuv mánjá tøntøn yí. Kuv mánjá tøn nø yí, v wá køn lanworu døn tia yuv wìøn tøn mama duøn nøn, v pa Zwezi-Kørisøn cvcv dé pàrì tøn yuv wa. <sup>11</sup> Yuv yáá fwa yoo mama kuv twá v fira nøn. Kuv møn nøn puv, v twá Zwezi-Kørisøn v ma dí yáá v kúrí nøba v tún, søn nø ya v møn lià, v fira tøn yuv. <sup>12</sup> Møn nøn møn nøn yí tøntøn lià, nøn nøn jøn yala Zwezi-Kørisøn con, Yuv nøn kúrí, søn nøn bu v nøn, v dun nøfarv tøn yuv. <sup>13</sup> Møn kuv yí nøtv á døn con. Á døn nì cígá svgv tøn, kuv nøn yí Zwezi-Kørisøn svywanjv tøn. Yuv twá kuv svywanjv tøntøn nøn, v ma jon aba á cuna wa. Yá á dán keni á waa Zwezi-Kørisøn nøn, Yuv ga fwa v mvmvvnv á yira. U mvmvvnv tøntøn nøn yí Yuv-Svjuv tøn, v nøn kàn nìi, v ma pa nøba. <sup>14</sup> Kuv møn Yuv-Svjuv tøntøn dí yáá kuv biri nøba døn, nøn wá na tori tøn, Yuv nøn tún, søn v pa nøba. Yá mánjá tøn, Yuv dán nøn wá jon lià tøn, ba nøn yí v møn lià, v køn v con, v dán wá pa nøba nøn tori tøn nøn ga v con, v ga yè nøba v jon, søn nøn tunv nøn tiàn. Yá tøn yìøn tøn mama dán wá ya Yuv nyìøn, søn tøn pa dun wá.

*Polø jònì Yuv, Efezø Kørisøn lià tøn yuv  
(Kolosø tián 1.3-6, 9-13, 18-19; Filipø tián 2.9-11; 1 Piyerø 1.3-4)*

15 À mù Polø dø nì nøtv tø, á nø keni á waa \*Yuu-Tiu Zwezi nø, wuuu, dø nøtv tø, á nø swø là tø mama, ba nø yɪ v mù nø ti. 16 Kɔ̀ mù yɪri nø, à dø kəni Yɪ lèèèe á yuu yɪri, à ba kəni à zwèe, à ga swìn á yoo à yɪʒɔni wa, máná mama. 17 Yá à dǎn lòrì Yɪ, v nø yɪ nø Yuu-Tiu Zwezi- \*Kərisə Yɪ tø, v nø yɪ dun nyɪna, sə v pa aba \*Sinju tø, kɔ̀ nø pɪn wɔbɔŋa. Kɔ̀ mù nø wá bɪri wá aba, sə á yəni wá. 18 À lòrì wá, sə v pìrì á pubɔŋa tø, sə á wàní á lwarɪ yala tø, á nø jø, v nø kúrí aba yɪri. À tø lòrì wá, sə v pa á lwarɪ kɔ̀ tø nø yɪ dun tori tø, kɔ̀ nø dáá zənzən, v nø tanɪ, sə v pa là tø nø, ba nø yɪ Kərisə nø ti. 19 À tø lòrì wá, sə v pa á lwarɪ v diàn tø nø dáá zənzən nøtv tø ja lɛ. Yɪ bɪri v diàn tø nø yɪ nøtv, nø mù là tø yɪri, nø nø keni nø waa v nø, wuuu. Yɪ diàn təntə dwə diàn mama. 20 Mø diàn təntə nø, v ma píi v bwin Zwezi-Kərisə v li tian wa, v jèø v jɪzən\* vàn nø, v sǎn tø wa. 21 Zwezi-Kərisə dǎn nø wulə wiən tø mama, nø jø diàn yuu wa, dø yáá tián tø mama yuu wa, dø diàn tián tø mama yuu wa, dø pèegá tø mama diàn tø yuu wa, zən máná kɔ̀ tø wa, dø máná tø mama, kɔ̀ nø biàn. U mù man don kúð təl. U mù yɪri tø nø dwə yɪri mama, ba nø wá bon. 22 Yɪ ken wiən tø mama Zwezi-Kərisə nɛɛ dəñ. U mù nø pɪn, sə Zwezi-Kərisə ya Kərisə là púlí tø Yuu-Tiu. 23 Yá Kərisə là púlí tø dǎn yɪ ndø v yɪra nø. Zwezi-Kərisə mama míámíán yɪ v wulə v là púlí tø wa, v tø ga sú lɔv tø mama wa.

---

\* **1:20** 1.20 Ka jəñ pìv jɪzən vàn nø yɪ dun bwálí.

## 2

*Yü jon nēba dē v pubwanv tē*

*(Kolosē tián 2.12-13; 3.1-3; Titō 3.3-8)*

<sup>1</sup> Yü yáá con, á mù yà yí ndē á tǐga, á tǔtǔnkǔkwǐnan tē dē á cǔna tē yǐrǐ. <sup>2</sup> Dí yáá nē, á dē yà fwa tē mù yìèn tēntē, ndē là tē nē, ba nē yí lǔv kǔ tē nē tǐ ba. Á yà zilí \*Sǐtana nii, v nē yí \*zinē pìú lanworu tē wa. Yá v mù Sǐtana dǎn nē dí diàn lēzoni tē yuu wa, ba nē vǐga Yü nii. <sup>3</sup> Nē dē mama yà yí ndē ba nē. Yá nē dē yà yí nē twá nē tētē pùé fǐra yokǔkwǐnan tē nē, nē ma tǔŋa tē tē, nē tētē yǐra tē nē pìà, dē tē tē, nē pubŋa nē pìà. Kǔ mù nē pǐn, nē dē yà yí là tē, nē nē mē, sē Yü lǐŋa zàn nē yuu wa, ndē lēzoni tē duēn tē nē. <sup>4</sup> Yá Yü dēri nē yinēgē zēnzēn. U sonu nēfarv tē yǐrǐ, v sóní nēba zēnzēn, <sup>5</sup> nē mù là tē, nē yà nē yí ndē tǐga nē v yáá con, nē tǔtǔnkǔkwǐnan tē yǐrǐ. Yá v dǎn pǐn nē pǐí nē na mǐ, nē mù dē Zwezi-\*Kērisē. Yü twá dē v pubwanv tē, v ma jon aba. <sup>6</sup> Yü pǐí v bwin Zwezi-Kērisē dē nē mù, v kē duēn nē. U jēn nē mù dē Zwezi-Kērisē Yü \*sàn tē wa. <sup>7</sup> U fwa kǔ nētǔ tē, sē kǔ pa mǎŋá tē mama, kǔ nē biàn, là lwarǐ, v pubwanv tē nē dáá zēnzēn, kǔ ja lē tǐa nē, dē v nē yí wǔywanyǐn dē nēba nētǔ, Zwezi-Kērisē yǐrǐ. <sup>8</sup> Kǔ yí cǐgá, kǔ twá dē Yü pubwanv tē, v ma jon aba á cǔna wa, á nē kení á waa Zwezi-Kērisē nē tē yǐrǐ. Yá kǔ tà á tētē nē fwa kǔ, kǔ yí won tē, Yü nē tàrì v pǐn. <sup>9</sup> Kǔ tà lēzwēnē tǔtǔŋǐ nē pǐn kǔ yoo tēntē tǔn, sē liù mama dǎn ká bu v tiàn nē Yü yáá con. <sup>10</sup> Kǔ yí cǐgá, nē ya Yü nē fwa nēba, nē ma yí kǔ tē, nē nē yí. U twá dē

Zwezi-Kərisə, sə v pa nə tun tutunzəŋə. Yu nə dí yáá v tanı tə v tún, sə nə dàñ tì tə, nə ma tun.

*Kərisə tian tə yırı, Zwifə-ba, də ba tə, ba nə tà Zwifə-ba, jigə dwíi nədv*

*(Ebərə-ba 10.19-22; Kolosə tián 1.20-22; 1 Piyerə 2.4-7)*

<sup>11</sup> Á pià, sə à lií aba də, ba wà aba luri \*Zwifə-ba dwíi tə wa. Ku mù nə pın, Zwifə-ba yà boŋə aba là tə, á nə ba beε \*goŋi. Yá ba də ga nə gwəŋə ba nətu tə, ku yi ləzoni nə fwa ku mımınu təntə ba bisımabarı yıra də ba tətə juı. Á dàñ piə á lií á tián də ku tə, á yà nə yın máŋá don wa. <sup>12</sup> Ku máŋá təntə wa, á yà yèri \*Kərisə. Á yà twá á tələ \*Yızərayelə là dwíi tə wa, v mù Yu nə kúri v tún. Yá á yà twá á tələ Yu \*nimaru nikanı tə də wa, v nə kàn də v là tə. Á yà yi á wulə, á ba yala jə. Á yà yi á wulə luv wa, á ga yèri Yu. <sup>13</sup> Yá síın nə, á mù là tə, á yà nə ɲúná də Yu, á dàñ bwələ də wá, á də Zwezi-Kərisə nə vwə duən nə tə yırı, v jana tə, tə nə lwá v tian tə máŋá wa yırı. <sup>14</sup> Ku yi cígá, Zwezi-Kərisə nə pın, nə na bıcan sié. U mù nə pın Zwifə-ba, də ba tə, ba nə tà Zwifə-ba, jì dwíi nədv. U mù nə li duŋi tə, ku yà nə yi ndə béré\* nə, ku nə pwèe nəba duən nə, v dugv. <sup>15</sup> U sèe v pa v tián, sə ba gu nə mù yırı, sə v ma kwèe Yu \*nii tə, v nə pın \*Moyizə nə, də Yu culən tə, sə v ma wàní v pa ləzoni púlə bələ təntə jì nədv, ba nə vwə ba tián

---

\* **2:14** 2.14 Zwifə-ba Yu \*diè tə wa \*Zwerizalemə nə, béré yà wulə lá, ku nə pwèe Zwifə-ba də dwíi tə duən tə nə.

υ nə yɪɾɪ, sə υ pa ba na bɪcan sɪé. <sup>16</sup> Kərisə tɪan tə dagarυ tə yuu wa dàń pɪn, dwíé bələ təntə dàń jì nədɪ, ba də Yɪ ga pɪí ba kə duən yuu. Kərisə tɪan tə nə kúv pɪn dɪŋɪ kúv təlɛ dwíé bələ təntə pwərə wa. <sup>17</sup> Zwezi-Kərisə twi tɪa yuu, sə υ swɪn υ sɪyɪwánɟ tə, ku nə pɪn bɪcan sɪé, υ bɪɾɪ á mù là tə, á nə ɲóná də Yɪ, də ba tə, ba də nə bwələ də Yɪ. <sup>18</sup> Ku dàń twá də υ mù Zwezi-Kərisə, Zwifə-ba də ba tə, ba nə tà Zwifə-ba, ma wàá nə nyɪna Yɪ yɪra ba boli. Yá Yɪ-\*Sɪŋu tə yɪ nədɪ, ku ga wulə nə mama con.

<sup>19</sup> Ku nətɪ pɪn, á kúv tà vərə Yɪ con, nə à yèé là tə, á nə yɪ dwíé nəkaran là. Yá á dàń yɪ á wulə là tə wa, ba nə yɪ Kərisə nə tɪ. Á yɪ υ diè là ndə ba nə. <sup>20</sup> Á yɪ ndə diè wárá nə. Zwezi \*tɪntɪna tə də Yɪ nii \*sɪsɪnà tə də yɪ ndə diè tə dəkuu nə. Yá Zwezi-Kərisə tətə dàń nə yɪ ndə diè tə nigwancɪɪn wárɪ nə. <sup>21</sup> U mù nə pɪn diè tə jə diàn, ku lwè ku zaŋa wuu, sə ku jì Yɪ \*diè, υ nə wá ya ku wa. <sup>22</sup> Á mù də Zwezi-Kərisə nə vwə duən nə tə pɪn, á də dàń yɪ diè təntə vàn don. Yá á mù də là tə duən tə mama dàń nə ken duən nə, á yɪ diè tə, Yɪ nə twá də υ Sɪŋu tə nə, υ ma wulə ku wa.

### 3

*Zwezi-Kərisə cígá tə, ka nə sègè  
(Kolosə tián 1.24-29; 1 Piyerə 1.10-12; Efezè  
tián 1.9-10)*

<sup>1</sup> Á mù wulə bàń diè wa, à nə swɪn Zwezi-\*Kərisə sɪyɪwánɟ tə, à bɪɾɪ á mù là tə, á nə tà \*Zwifə-ba nə yɪɾɪ. <sup>2</sup> Ku yɪ cígá, á nì də, Yɪ twá

v pubwanv tē nē, v kē tutuŋi kv tē à juun wa, sē à tun kv à pa aba. <sup>3</sup> U sūrì à yíá, v bīri nē v cígá tē, ka nē sègè, à ga púpóní kv, à kē duən nē mancın, sē à pa aba. <sup>4</sup> Á nē kàrì à sagı tē, á wá na dē, à yèé Zwezi-Kērisē cígá tē, ka nē sègè tē dēñ. <sup>5</sup> Dí yáá luv tē wa, Yu yà wà yoo tēntē bīri lēzoni nē. Yá sún nē, v dān pın v \*Siŋu tē sūrì \*tuntuna tē dē nii \*sùsùnà tē yíá, ba nē yı v mē nē tı, v ga bīri ba kv. <sup>6</sup> Á nēŋē cígá tē, ka nē sègè, Yu nē bīri. Ba mē lià tēntē nē tà Zwifē-ba dē Zwifē-ba mē dān jigē dwíi nēdu lià. Kv tē Yu nē kàn nii, sē v pa Zwifē-ba nē, ba nē sēe Zwezi-Kērisē suywánú tē, á dē wá na á tori kv wa. <sup>7</sup> Yu fwa pubwanv à yıra, v li nē v tún, sē à yà v tūtònù, à swìn suywánú tēntē à bīri lià nē. U tun kv mē yoo tēntē dē v diàn tē. <sup>8</sup> À mē nē mun zēnzēn lià tē mama wa, ba nē yı Kērisē nē tı. Yá dē kv nētv mama, Yu fwa v pubwanv tē à yıra, sē à swìn Zwezi-Kērisē suywánú tē à bīri lià tē, ba nē tà Zwifē-ba. Zwezi-Kērisē yı liù tē, v yìèn tē dēñ nē lù zēnzēn, lià wàrì kv dēñ ba lwarı. <sup>9</sup> U tē fwa v pubwanv tē à yıra, sē à gwın nētv Yu nē pià, sē v tun v cígá tē, ka nē sègè, v pa ka sú. U mē Yu nē fwa won mama, yá v ga sègè kv cígá tēntē mē, mánjá dē mánjá, kv nē ba zwèe, kv bà kv yí mánjá kv tē. <sup>10</sup> U tun kv nētv, sē v pa Yu twá Kērisē lià púlí tē nē, v bīri wièn tē mama, tē nē dé pàrì dē pèegá tē mama, ba nē wulə lanworu tē wa, nētv v nē jē wubūŋa yiri mama. <sup>11</sup> Mē kv yoo tēntē nē v twá dē nē \*Yuu-Tiu Zwezi-Kērisē, v tun, kv twá kv tē



nø, v yà nè pìà, sè v fwa kv máná nè ba yigø. <sup>12</sup> Nø twá Zwezi-Kørisø nø, nè ga køni nè waa v nè wuuu. Kv mù nè pɪn, nè dån wàá Yɪ yɪra nè boli, yá fən kúv ba nèba jø. <sup>13</sup> Kv mù yɪrɪ nè, à lòrì aba, sè á dånà ká pa á jìàn gwàrì, càn tè nè dáá zənzən yɪrɪ, à nè wulə tè wa, á mù yɪrɪ. Tø càn təntə yɪ tè pɪn aba dun.

*Zwezi-Kørisø sonu tè nè yɪ nətɔ*  
*(Kolosə tián 2.1-3, 9-10; Zwidə 24-25)*

<sup>14</sup> Kv mù nè pɪn, à twɪ à nadwana yuu nè nyɪna Yɪ yáá con, à jùnì wá à pɪn aba. <sup>15</sup> Yɪ sàñ ləzoni tè mama, də tɪa yuu ləzoni tè mama yɪ, v mù nè pɪn ba wulə, v nè yɪ nè nyɪna tè yɪrɪ. <sup>16</sup> À lòrì wá, sè v twá v \*Sɪŋu tè nè, v pa á jìàn dån zənzən, v dun tè cígá nè dáá zənzən tè yɪrɪ. Kv nətɔ dån wá pa á ya \*Kørisø lià tè, á nè jø diàn á waa con. <sup>17</sup> Zwezi-Kørisø wá ya á bɪcanti wa, ndə v diè nè, á nè keni á waa v nè wuuu, tè yɪrɪ. U mù nè wá pa á sóní duən, sè á ja diàn zənzən, ndə tìv ŋunən nè zɔa tɪa zənzən nətɔ. U wá pa á ya ndə ba nè tún diè dəkku kv ja diàn, ba ga zàn ba lwè diè tè kv yuu wa. <sup>18</sup> Kv mù nè wá pa, á mù də lià tè mama, ba nè yɪ Kørisø nè tɪ, wá wàní á na Zwezi-Kørisø sonu tè wanɪ, də kv dånì, də kv lun, də kv yuu tɪa zɪgɔ nè mɛ nətɔ. <sup>19</sup> Á dån wá lwarɪ Zwezi-Kørisø sonu tè, nè dáá nətɔ, kv ja lɛ, ləzoni nè wàrì kv dèñ ba lwarɪ abada. Yɪ nè wá pa á lwarɪ v sonu təntə, v ga pa á yɔa tè mama jì ndə Yɪ yɔa tè nè.

<sup>20</sup> Nø pɪan dun Yɪ nè, v nè wàá wiən tè mama v fwa, tè nè dwə tè tè míámíán, nè nè lòrì, nè

à yèé nè nè buŋa. Ku nètʋ twá dè ʋ djàn tɛ, tɛ nè tɔŋa dè nèba. <sup>21</sup> ʋ mù nè mɛ dè dun Kərisə lià púlí tɛ wa, Zwezi-Kərisə yiri, mánǎ dè mánǎ, wuuu ku nè ba zwèe. Amɩna!

## 4

*Kərisə lià púlí tɛ yi dwíi nɛdʋ*

*(Kolosə tián 3.12-14; Romə tián 12.4-8; 1 Korɛntə tián 12.4-31)*

<sup>1</sup> À mù Polə wulə bán diè wa, à nè swìn \*Yuu-Tiu sɔywánǔ tɛ à bɩri á mù lià tɛ, nè yiri. Zwezi-\*Kərisə nè kúrí aba sɛ á twá ʋ nè. À dàń kwè aba, sɛ á ya cwəŋə nəzəŋu wa, ndə ku nè mɛ nètʋ, á ma twá ʋ nè. <sup>2</sup> Á yana lià tɛ, á nè muŋə á tián duən yáá con. Á yana bwàbwà. Á jana pínú, sɛ á píní á yà duən nè dè sonu. <sup>3</sup> Á kənə dián, sɛ pubɔŋa nɛdʋ tɛ, Yɩ-\*Siŋu tɛ nè pɩn aba ya dè aba wuuu. Ku pɩn á vwe duən nè dè bɩcan sié. <sup>4</sup> Kərisə lià púlí tɛ nè yi ʋ yira tɛ. Yá ʋ yira tɛ dè ga yi nɛdʋ cɩcɩ. Yɩ-Siŋu tɛ dè yi nɛdʋ cɩcɩ. Mə nètʋ nè Yɩ kúrí aba, sɛ á twá ʋ nè, á ga ja yala nɛdʋ ʋ con. <sup>5</sup> Yuu-Tiu yi nɛdʋ cɩcɩ. Nə keni nè waa ʋ nè wuuu, ku dè ga yi cwəŋə nɛdʋ cɩcɩ, ku nè pɩn nè yèé Yɩ. Ba ləgə nèba níá wa ku twá dè Yɩ yiri tɛ, ku dè ga yi cwəŋə nɛdʋ cɩcɩ, ku nè pɩn nè yi Yɩ nyiən. <sup>6</sup> Yɩ yi nɛdʋ cɩcɩ, ʋ mù ga nè yi lià tɛ mama nyina. ʋ mù nè wulə lià tɛ mama yuu wa. ʋ wulə bwálí mama wa, lià tɛ mama con, ʋ yoo ga wulə lià tɛ mama wa.

<sup>7</sup> Nə liù mama nɩ tori Yɩ pubwanʋ tɛ wa, ndə Zwezi-Kərisə nè tàrì ʋ pa nèba nètʋ. <sup>8</sup> Ku mù nè

pɪn, Zwezi-Kərisə yoo púpúní Yɪ sagɪ tə wa, kɪ wó:

«Máná tə wa, ɪ nə zàn ɪ dɪ yɪ nə, ɪ dí diàn ɪ duŋa yuu wa, ɪ ga ja ba ɪ ja vií. Yá ɪ dǎn pɪn tarpɪnan ləzoni tə nə».

<sup>9</sup> Kɪ nə swìn, kɪ wó, «ɪ zàn ɪ dɪ yɪ nə» tə, dèñ nə yɪ bēēē? Kɪ dèñ nə yɪ, ɪ dí yáá ɪ cú tia yuu wa, ɪ lɛ ɪ zɪ ka dèñ. <sup>10</sup> Ʋ mù liù tə, ɪ nə cuə tia tə dèñ nə, mə ɪ mù nə kúè dígà yɪ nə ban ban, sə ɪ sú bwálá tə mama wa. <sup>11</sup> Zwezi-Kərisə nə pɪn tarpɪnan lià duən nə, sə ba ya ɪ \*tɔntɔna. Ʋ pɪn ba duən də nə, sə ba ya Yɪ nii \*sùsùná. Ʋ pɪn ba duən də nə, sə ba ya suywǎjú tə sùsùná. Ʋ pɪn ba duən də nə, sə ba ywǎñ Kərisə lià tə yuu, sə ba kàrì Yɪ sugɪ tə, ba bɪrɪ ba. <sup>12</sup> Ʋ fwa kɪ nɛtɪ tə, sə lià tɛntɛ tɪn, sə kɪ pa lià tə, ba nə yɪ Kərisə nə tɪ, wǎní ba tɪn ɪ tutɪŋɪ tə zəni. Yá kɪ dǎn wá pa ba lià tɛntɛ púlí tə, kɪ nə yɪ ndə ɪ yura tə nə, jìàn wǎní tə dǎn Yɪ cwəŋə tə wa. <sup>13</sup> Kɪ wá pa, nə mama dǎn twá duən, nə kəni nə waa Yɪ-Biu tə nə wuuu, nə ga yəni wá, nə sùrí lá. Nə yənu tə dǎn wá kwɛn kɪ sùrí zənzən, sə nə mama wǎní nə ya ndə Zwezi-Kərisə nə, won mama wa. <sup>14</sup> Yá nə kúè bá ya ndə bìsíná nə, ba pubɔŋa nə vɛli yáá də kwa. Nə kúè bá sēe nə jon kàrà yiri mama, lià tə nə kàrì nəba mwálí mwálí. Yá nə kúè bá jon kɔnkɔna tə yíá swɪan sùràn tə, ba nə ma gɪgarɪ lià tə, ba pɪn ba jén. <sup>15</sup> Nə dǎn mɛ, sə nə swìn cígá duən con də sonu, sə kɪ pa nə wǎní nə bori yoo mama wa, nə yí Zwezi-Kərisə, ɪ nə yɪ ɪ púlí tə Yuu-Tiu. <sup>16</sup> Mə ɪ mù nə ken lià tə mama duən nə,

sə ba ya won nədu, ndə ləzwənə yira nandaran kəle nə pɪn, ɔ nandaran tɛ marɪ duən nə də diàn nətu. Ləzwənə yira nandaran tɛ mama nə tɔŋa tɛ tɔtɔnan, kɔ yàá pa yira tɛ mama bori. Mə Kərisə lià púlí tɛ də yɪ nətu. Mánǎ tɛ, lià tɛ nə swə duən, kɔ yàá pa púlí tɛ mama vɛli yáá Yɪ cwəŋə tɛ wa.

*Yɪ pɪn nəba mi nədu*

*(Kolosə tián 3.1-13; Galasi tián 5.16-25; 1 Zwan 4.7-11; 3.16-18)*

<sup>17</sup> Á nəŋə yoo tɛ, à nə swɪn á con, à ga bwé kɔ wa də nə \*Yuu-Tiu yɪ tɛ. À swɪn, à wú: Á kúò dàná ká ya cwəŋə tɛ wa, lià tɛ nə yèrì Zwezi-\*Kərisə nə wulə kɔ wa. Wiən tɛ, ba yàá nə buŋa, tɛ yoo yɪ woyanan. <sup>18</sup> Ba pubuŋa tɛ yɪ ndə yikunu nə. Yá ba tɛlɛ mi tɛ wa, Yɪ nə pɪn. Ba yèrì kɔ mi nədu tɛntə yoo, ba zɪn nə ba nèn tɛ yɪ. <sup>19</sup> Ba kúò yèrì cavira, kɔ pa ba wàrì ba tiàn ba janɪ. Ba mù yàá fwa yokukwɪnan tɛ mama, tɛ nə yɪ durən yìèn, lià duən wiən ga jə yimən tɛ pa ba.

<sup>20</sup> Á mù con, kɔ tà nətu ba kàrì aba, sə á twá Zwezi-Kərisə nə. <sup>21</sup> Kɔ yɪ ɔ mù yoo nə á nì də, ba swɪn. Yá ba kàrì aba ɔ cígá tɛ yìèn tɛ. <sup>22</sup> Kɔ nətu tɛ yɪ, á dàñ lià á tiàn cwəŋə nəduwan tɛ wa, á yà nə wulə fuən fuən. Á pùé yokukwɪnan fira yà dáá, tɛ nə gɔgarɪ aba, tɛ dɔga tɛ ga cùgà aba. Á lià á tiàn á mi nəduwan tɛntə wa, ndə liù nə kùrì gandwan ɔ yira nə, ɔ dɔgɔ. <sup>23</sup> Á mɛ, sə á twá də \*Siŋu tɛ, á lwàn á pubuŋa tɛ mama, sə ka jì pubundun, <sup>24</sup> sə kɔ pa á ya mi nəduwan tɛ

wa, Yü nə pɪn aba, ndə lùu nə zva gandɔn nətv. Mü nədɔn təntə yɪ Yü tətə nə fwa, sə á twá cígá tə nə, sə á ya Yü nyiən cígá cígá.

<sup>25</sup> Kɔ m̀ tə yɪrɪ, á pɪan á yá kɔnkɔn, sə nə swɪn cígá, nə bɪrɪ duən nə, nə mama nə yɪ dwíí nədɔ tə yɪrɪ. <sup>26</sup> Máná tə, á lɪɲa nə zaɲa, á dànà ká pa tə yigu aba, tə pa á tɔn yolwan. Á lɪɲa tə mɛ, sə tə pɪí tə tv, də yɪ tə wà zwɪ. <sup>27</sup> Á dànà ká pa \*Sɪtana na yoo, v ma wàní aba. <sup>28</sup> Nwɪna tə kùd wà mɛ, sə ba ɲv wiən. Ba dàn mɛ, sə ba kə dɪàn, ba tɔn də cígá də ba jìàn, sə ba də wàní ba na wiən, ba ma san là tə nə, ba nə pià saɲv. <sup>29</sup> Sɔkɔkwɪɔn mama wà mɛ, sə kɔ nan á nii wa. Á swɪán s̀ràn, tə nə ywán, tə ga jə saɲv tə pa là təntə nə, tə ga daɲa là tə jìàn Yü cwəɲə tə wa. Kɔ nətv dàn wá pa, s̀ràn təntə fwa zəni là tə yɪra, ba nə cvga aba. <sup>30</sup> Yü pɪn aba v \*Siɲu tə, sə kɔ ya mɪmɪnɔ kɔ bɪrɪ də, á yɪ v m̀ là. Á dànà ká c̀g̀ Yü-Siɲu təntə pùé nə. Mə kɔ m̀ Siɲu təntə nə pɪn, nə yèé də, dɪn don nə, Yü wá jon á m̀ là tə mama, v nə yè, sə á tɪnɪ á tìàn.

<sup>31</sup> Á dànà ká t̀n yìèn tə, là nə fwa á yɪra, á bɪcanɪ wa. Á dànà ká tɔn dɔɲɪ. Á dànà ká pa á lɪɲa zàn. Á dànà ká dɪ jara də duən. Á dànà ká dé tɪjaɲa duən dèñ nə. Á pɪan wɔlɔɲv yɪrɪ mama jén á tətəɲɪ wa. <sup>32</sup> Á dàn mɛ, sə á ya ywání á pa duən nə. Á dèré duən yinəgə. Á kwɪan yìèn tə mama nə c̀g̀ á pwəɲə wa, ndə Yü nə s̀e v kwen á cvna tə v lɪ á m̀ də v m̀ pwəɲə wa, Zwezi-Kərisə yɪrɪ.

## 5

*Á yana poni wa!*

*(1 Tesalonikè tián 4.1-8; 1 Korèntè tián 6.9-11; Kolosè tián 1.9-10; 3.5-7, 16-17)*

<sup>1</sup> Á yí bia tē, Yú nē swē aba. Á dē dàń fwa ndē v nē. <sup>2</sup> Á swóné duēn, ndē Zwezi-\*Kərisē nē sóní nēba nēv. U sonu tē pín, v pa v tián ndē vanv nē, ba ma fwa \*jónj. Kú jónj tēntē yí ndē turali nē, kú lwán nē ywán kú pa Yú nē.

<sup>3</sup> Á yí Kərisē nē tí. Kú mù tē yírí, kú wà mē, sē á pēń duēn vee vee, nē à yèé á ya lià tē, á nē tɔŋa durēn yìèn, nē à yèé, lià wiēn nē jē yimēn tē pa aba. Kú tà nē wà mē, sē ba nì dē, ba swìn tē yìèn tēntē, á tētēji wa. <sup>4</sup> Á dàná ká tun durēn yoo yiri mama. Á dàná ká swìn ləyəri sùràn, nē à yèé pupwalan sùràn. Tē sùràn tēntē wà mē dē aba. Kú tē á dàń nē mē, sē á fwa, á dàń mē, sē á kē Yú lèèèe máŋá mama. <sup>5</sup> Á pìà, sē á yēni zēni dē, lià tē mama, ba nē pēni duēn vee vee, dē ba tē, ba nē tɔŋa durēn yìèn tē, dē ba tē, lià wiēn nē jē yimēn tē pa ba, bá na won mama Zwezi-Kərisē dē Yú pàrì tē wa. Lià tē, ba duēn wiēn nē jē yimēn tē pa ba, tē wiēn tēntē yí ndē ba yú nē. Yá tē dàń yí ndē woŋwanan nē, ba nē pín dun tē, ba ga dɔgv Yú vàn nē.

<sup>6</sup> Liù mama dàń wà mē, sē v gɔgarí aba dē sɔwərən v dɔgv. Mē tē mù yìèn tēntē nē pín, Yú lɔŋa yàá zaŋa ləzoni tē yuu wa, ba nē v v nìi tē. <sup>7</sup> Á dàná ká pa, á mù dē ləzwənyiri tēntē fwa won mama duēn nē.

8 Fuən tə nə, á yà yí á wulə yikunu wa. Sín nə, á dàń yí á wulə poni wa, á nə yí \*Yuu-Tiu nyiən tə yiri. Á dàń yana ndə là tə, ba nə wulə poni wa, nə yí nətə. 9 Wɔywanı tə mama, də yìèn tə, tə nə tua tə mɛ, də cígá yìèn tə, yí poni nə pın tə tɔɲa. 10 Á kənə diàn, sə á yəni yìèn tə nə poli nə Yuu-Tiu pùé nə. 11 Là tə nə tɔɲa yikunu tutɔnan ba zəni mama tɔɲa. Á mù dàna ká twá á tɔn tə yìèn təntə. Kɔ tə á dàń nə mɛ, sə á fwa, á mɛ, sə á dàń gwin kɔ là təntə yìèn tə, á pa tə nan poni nə. 12 Kɔ yí cígá, cavıra tətə jə nəba, sə nə swın là təntə yìèn tə, ba nə sègè ba tɔɲa. 13 Yá máńá tə wa, ba nə gwin là təntə yìèn tə, ba pa tə nan poni nə, poni tə dàń yáa pa ba lwarı, tə nə yí nətə. Kɔ pià kɔ bıri də, won tə mama, kɔ nə nan poni nə, poni tə yáa pıru kɔ. 14 Kɔ mù nə pın, ba ma swın yoo kɔ tə, ba wú: «N mù liù tə, n nə dwèe, sùrí n yía, n zàn. Zàn, n yá tıga nə, sə kɔ pa Zwezi-Kərisə pıru mú də v poni tə».

15 Á dàń cia á tiàn nə də nətə tə, á nə yí. Á dàna ká pa á ya ndə là tə nə, ba nə ba buɲa. Á yana là tə, á nə jə wɔbuɲa. 16 Sín máńá kɔ tə yí yokɔkwınan máńá. Kɔ mù yiri nə, á mù mɛ, sə á twá kɔ máńá təntə nə zənzən, á ma tɔn tutɔnzəɲə. 17 Á mù dàna ká pa, á ya ndə là tə nə, ba nə ba yun jə. Á mù dàń mɛ, sə á lwarı kɔ tə nə yí Yuu-Tiu Yı fıra tə.

18 Á dàna ká nyɔ swana á bubɔni. Mə tə mù nə yáa cùgè aba. Á mù dàń pıan, sə Yı-\*Siɲu tə nə sú aba. 19 Á nuɲə gwaran, də nuɲi, tə nə

bwɪ Yɪ nə, də nuŋɪ tə mama, Yɪ-Sɪŋu tə nə bɪrɪ aba, á ma dən duən jìàn. Á nuŋə tə, á ma bu Yuu-Tiu Yɪ nə də á waa mama. <sup>20</sup> Á kənə nə nyɪna Yɪ lèèè wiən tə mama yɪrɪ, də nə Yuu-Tiu Zwezi-Kərisə yɪrɪ tə. Á kənə v lèèè máŋá mama wuuu.

*Kana də ba bana nə me, sə ba ya duən nə nətv  
(Kolosə tián 3.18-19; 1 Piyerə 3.1-7)*

<sup>21</sup> Á sàá duən nii, á nə yɪ là tə, á nə zìlí Zwezi-  
\*Kərisə yɪrɪ. <sup>22</sup> Á mù kana tə, á liù mama me, sə  
v sèè v barɪ nii, ndə v nə sèè \*Yuu-Tiu nii nətv.  
<sup>23</sup> Kɔ yɪ cígá, bæ yɪ v kan yuu tíú, ndə Zwezi-  
Kərisə nə yɪ v púlí tə yuu tíú nətv. Kɔ púlí təntə  
yɪ ndə v yɪra nə, yá v mù dən nə jonə kɔ púlí  
təntə kɔ cɔna wa. <sup>24</sup> Mə nətv nə kana tə me, sə  
ba sèè ba bana tə nii yoo mama wa, ndə Kərisə  
là púlí tə nə sèè Zwezi-Kərisə nii nətv.

<sup>25</sup> Á mù bara tə, də á swéné á kana tə, ndə  
Zwezi-Kərisə nə sóní v púlí tə nətv, sə v ga pa  
v tiàn, sə v tɪ v púlí tə yɪrɪ. <sup>26</sup> V kwen kɔ də v  
sugv tə, ndə ba nə sɪn won də níá, sə kɔ ya v  
nyìən. <sup>27</sup> V fwa kɔ nətv tə, sə v pa, púlí tə va  
kɔ nan Yɪ yáá con də dun. V ba pià, sə durən,  
nə à yəó lwanɪ manɪn, nə à yəó lwanɪ nyɪnyɪga  
tətə ya kɔ yɪra. V pià, sə kɔ ya Yɪ cɪcɪ nyìən,  
yokukwɪvɔn də dən ká ya kɔ yɪra. <sup>28</sup> Mə kanbana  
tə də me, sə ba fwa nətv. Ba me, sə ba sóní ba  
kana tə, ndə ba nə swə ba tiàn nətv. Bæ tə, v nə  
swə v kan, kɔ yɪ v tiàn nə v swə. <sup>29</sup> Liù mama tə  
wà v tiàn dɔŋɪ. Liù mama yɪ v yáá dé wodirən,  
v ma kɔnɪ v tiàn, də v ywàŋá v tiàn yuu zəni,  
ndə Zwezi-Kərisə nə ywàŋá v púlí tə yuu nətv.



<sup>30</sup> Nə mama yi Kərisə yura tə wa nandaran. <sup>31</sup> Ku púpúní Yu sagi tə wa, ku wú: «Ku mù nə pín, bæε wá nan v yá v nuu də v nyina, v ga va v vwa v tiàn v kan nə. Yá ba bələ tə dān wá jì won nədu». <sup>32</sup> Cígá tə, ka nə sègè yoo təntə wa, dèñ lù zənzən. À pià, sə à swìn də, ku yi Zwezi-Kərisə də v púlí tə yoo nə, ku swìn. <sup>33</sup> Mə ku yi nətu, ku pa á də nə. Á liù mama mε, sə v sóní v kan, ndə v nə swə v tiàn nətu. Á mù kana tə də mε, sə á zìlí á bana tə.

## 6

*Bia də ba ninə də ba nyina nə mε, sə ba ya duən nə nətu*

*(Kolosə tián 3.20-21)*

<sup>1</sup> Á mù bìsíná-ba, á zìlé á ninə də á nyina nii. Ku ziən, sə làà tə, ba nə vwə ba tiàn \*Yuu-Tiu yura fwa nətu. <sup>2</sup> Təntən yoo tə, Yu nə pín v \*nii tə ku yiri v swìn, v wú: «Zilí n nuu də n nyina nii!» Mə ku mù nə yi təntən nii v nə kàn nikaní, v sùrí ku nə, v wú: <sup>3</sup> «Ku mù nə wá pa, won mama ya zəni ku pa mú, n ga na mɪdari də luv wa».

<sup>4</sup> Á mù bia nyina-ba də, á dānà ká fwa á pa, á bia tə lija zàn. Á mε, sə á kàrì ba, də á kəni ba cwəŋə wa, ndə Yuu-Tiu nə biri aba cwəŋə nətu.

*Ywəŋə tə də làà tə, ba nə yè ba, nə mε, sə ba ya duən nə nətu*

*(Kolosə tián 3.22-25; 4.1; Titə 2.9-10)*

<sup>5</sup> Á mù ywəŋə tə, á siá làà tə, ba nə yè aba tɪa yuu wa nii. Á zìlé ba zənzən, á vɪvaga ba yáá

con. Á tɔŋa ba tɔtɔnan tɛ dɛ á waa mama, ndɛ á nɛ sɛ̀e Zwezi-*\*Kerisɛ* nii nɛtɔ. <sup>6</sup> Á dɛ̀nà ká tɔn ba tɔtɔnan tɛ, ba nɛ zɪga ba ywàŋá aba cɪcɪ yɪrɪ. Á dɛ̀nà ká fwa ndɛ á pìà, sɛ̀ lɛzoni bu á nɛ. Á zìlɛ̀ ba nii, ndɛ Zwezi-*Kerisɛ* tùtùnà nɛ tɔŋa ku tɛ mama, Yɪ nɛ swɛ̀ dɛ, ba waa mama nɛtɔ. <sup>7</sup> Á tɔŋa á pa là tɛ nɛ, ba nɛ tɪ aba, ndɛ ku yɪ á tɔŋa á pɪn *\*Yuu-Tiu* nɛ, ku tà là nɛ, á tɔŋa á pɪn. <sup>8</sup> Á yè́ dɛ, yozɛ̀ŋu tɛ mama, liù nɛ fwa, ɔ wá na ku ŋwírán Yuu-Tiu yáá con, dɛ ɔ nɛ swɛ̀ ɔ yɪ yonɔ, nɛ à yè́ ɔ nɛ tɪ ɔ tìàn.

<sup>9</sup> Á mù là tɛ, á nɛ yè̀ ywɛ̀ŋɛ tɛ, á dɛ tɔŋa zɛni á ywɛ̀ŋɛ tɛ yɪra, ndɛ ba nɛ. Á dɛ̀nà ká fugu ba. Á yè́ dɛ, Yɪ nɛ jè́ dɛ *\*sàń* nɛ, ɔ ywàŋá á mù dɛ ba mù mɛ yuu nɛ. Yá ɔ mù yáá con, liù mama ba ɔ don dwɛ̀.

*Á tíé Yɪ kwatara zɪla tɛ!*  
(1 *Piyerɛ* 5.8-9; *Romɛ̀ tián* 13.12; 1 *Tesalonikɛ̀ tián* 5.8)

<sup>10</sup> Ku tɛ, à nɛ wá swìn, à ma gúrí, á pɪan á ja dɛ̀n, á nɛ vwɛ̀ á tìàn *\*Yuu-Tiu* dɛ ɔ dɛ̀n nɛfarɔ tɛ nɛ yɪrɪ. <sup>11</sup> Á tíé kwatara zɪla tɛ mama, Yɪ nɛ pɪn aba, á kɛ̀ á yɪra. Ku wá pa, á wàní á zɪgɪ *\*Sɪtana* nɛ dɛ̀n, máná tɛ wa, ɔ nɛ wá bà, sɛ̀ ɔ gɪgarɪ aba ɔ dɔgɔ. <sup>12</sup> Kùù tɛ tà nɛ mù dɛ lɛzoni kùù. Ku yɪ nɛ mù dɛ wɛ̀n tɛ nɛ jɛ̀ dɛ̀n, dɛ wɛ̀n tɛ nɛ dɛ̀ pàrì lanworu tɛ wa, kùù. Mɛ̀ tɛ mù nɛ dɛ̀ dɛ̀n lɔɔ ku tɛ yuu wa, ku nɛ wulɛ̀ yikunu wa. Ku yɪ nɛ mù dɛ̀ *\*zinɛ* tɛ mama, tɛ nɛ jɛ̀ dɛ̀n, tɛ ga wulɛ̀ lanworu tɛ wa, kùù. <sup>13</sup> Ku mù yɪrɪ, á dɛ̀n tíé Yɪ kwatara zɪla tɛ mama, á kɛ̀ á yɪra. Ku mù

nə wá pa, á wàní á ta mánjá tə wa, ku nə yí càn ku pa aba. Yá á dàn nə ta á zwèe, á tə wá ja dìn, á zigi yí nə.

<sup>14</sup> Á dàn ziga yí nə də wɔdɔ. Á pɪan Yí cígá tə ya ndə voru nə, á nə ma vwə á tànjá nə. Á yana cígá tián, sə ku wàní ku cì á nə, ndə á nə zwɪ pamana lugu gànù nə, á ma cì á tìn nə, kù tə wa. <sup>15</sup> Á kənə sírí, sə á wàní á swìn Zwezi-Kərisə suywánú tə, ku nə pɪn bɪcən sɪé lià nə, á bɪrɪ. Ku nətv yí ndə natura nə, á nə kən á nɛɛ nə, kù tə wa. <sup>16</sup> Á kənə á waa Yí nə mánjá mama. Ku nətv yí ndə natana nə, á nə jə á jɪn, á ma cì Sɪtana cɪan tə yáá nə, tə dàn ká yí aba. Tə cɪan tɛntə nə yí mən də, natana tɛntə yáá dɛŋi tə. <sup>17</sup> Ku tə nə pɪn á sèe də, Yí jon aba á cɪna tə wa yí ndə lugu yupuu nə, ku nə pú á yuu nə, kù tə wa. Á dàn pwié yupuu tɛntə á yuu nə. Yí sɛgv tə yí ndə lagɔrɪ sɪú nə, Yí-Sɪnju tə nə pɪn aba. Á tíé ku sɪú tɛntə, á ja á yɪra. <sup>18</sup> Á jóná Yí mánjá mama, sə v san aba. Á lwərə Yí, ndə v Sɪnju tə nə bɪrɪ aba nətv. Á jana pínú wuu, á dànà ká píí á kə á kwa, á ma tun ku yoo tə, sə á lòrì Yí á pa lià tə duən tə mama nə, ba nə yí Kərisə nə tɪ. <sup>19</sup> Á lwərə Yí á pa à də nə, sə v kə v sùràn tə à nii wa. Ku nətv dàn wá pa, à wàní à swìn cígá tə, ka nə sègè v suywánú tə wa, à bɪrɪ də wɔdɔ. <sup>20</sup> À yí Zwezi-Kərisə \*tɔntɔnv, à nə swìn v suywánú tə à bɪrɪ. Yá mə ku mù dɛn nə nə, à wulə banzala wa. Á lwərə Yí á pa nə, sə à wàní à swìn nəpon nəpon, ndə à nə mɛ, sə à swìn nətv, fən dàn ká ja nə.

*Sagɪ tɛ yígúré sùràn*  
*(Kolosè tián 4.7-9)*

<sup>21</sup> À pìà, sɛ á dɛ lwarɪ kɪ tɛ, à nɛ wulɛ kɪ wa, dɛ kɪ tɛ, à nɛ fwa. Tiswikɛ yɪ nɛ nubiswɛnɛ, ɔ nɛ tɔŋa ɔ pɪn \*Yuu-Tiu nɛ dɛ pùé nɛdɔ. Ʋ wá swìn kɪ tɛ mama, à nɛ wulɛ kɪ wa, ɔ bɪrɪ aba. <sup>22</sup> Mɛ kɪ mù yɪrɪ nɛ à tɔn wá á con, sɛ ɔ pa á yɛni nɛ nɛ yɪ nɛtɔ, sɛ ɔ ga zùrì á bɪcanɪ. <sup>23</sup> Nɛ nyɪna Yɪ dɛ Yuu-Tiu Zwezi-\*Kɛrisɛ nɛ wá pa bɪcan sɛé á mù, lià tɛ nɛ, á nɛ yɪ nɛ nubɪa Kɛrisɛ yɪrɪ. Ʋ mù nɛ wá pa á sóní duɛn, á ga kɛni á waa Zwezi-Kɛrisɛ nɛ wuuu. <sup>24</sup> Yɪ nɛ wá fwa pubwanɔ lià tɛ mama yɪra, ba nɛ swɛ nɛ Yuu-Tiu Zwezi-Kɛrisɛ dɛ sonu tɛ, kɪ nɛ ba zwèe.

**Yu soywánó sagı**  
**Nuni, Southern: Yu soywánó sagı New Testament**  
**Le Nouveau Testament en Nun**

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 21 Feb 2024 from source  
files dated 29 Jan 2022

d18530a7-7259-5f23-92b6-70e3abe5f3fa